

ル 5
3285
1



凡 5
3285
卷 1

重刊宜興縣志序

明危山

郡縣之有志書者所以載山川民物風俗事蹟之詳悉也使其書不全將何以備參考乎宜興為常之屬邑地雖偏僻而山川之秀民物之盛風俗之醇其事蹟又甲於他邑故杜牧之蘇東坡嘗買田築室於此實為圻內之大縣也舊志作於周子隱今所存百中之一二耳後有續者而譜帙散亂傳至於今又多缺訛縣令樂安鄒君旦丞鄱陽李君暉皆有學識者也顧是書之敝屬予修之又得丞上虞竺君龠廬山趙君良簿新城王君能幕賓樂平朱君輝僚佐一心亟欲成之因取舊時抄卷重加修飾其事物有缺

重刊宜興縣志序

重刊宜興縣志

卷首

危序

昭和十八年
八月十八日
購求

失者又命邑人王文輩徧搜備取於是繁者去之訛者正之缺者增之編集成帙分爲十卷以壽錢梓因謂志書有關於政事尚矣然有司不可不重昔高帝入關諸臣皆以金帛財物是取獨蕭何先收丞相府圖籍藏之使帝得具知天下阨塞戶口多少強弱之處噫若蕭何亦可謂知先務者矣今宜興諸君以志書爲急如是非知先務而何書成一邑事蹟之詳悉可以備參考矣但去取未當而葫蘆依樣之譏滄海遺珠之歎不能免者惟以俟後之君子倘有以補削之庶幾亦斯文之幸也

重刊宜興縣志舊序

西蜀陳遴璋

劍華

周官志統於史氏所以察民俗稽吏治而礪世訓俗之大端也秦興罷侯置守而縣邑通爲志矣卽不領於史氏亦邑之史也第史美惡並書以垂勸誡而志主於紀美體差異焉然能使有志者屬慕而不肖者亦以反觀而內愧或微其詞以示貶卽孝子慈孫不能增損其閒殆所云以勸爲誠者耶宜興志創自子隱而二單嗣之厥後未有聞及我皇祖定鼎金陵麗畿甸者名邦相錯而宜興稱巖邑焉正統閒邑大夫鄒公且能以纂修爲急屬其學博危君山輯而成志事具危序中然太史公稱孔子作春秋隱桓之

重刊正興縣志 卷首 二
間則章而哀定之際則微厥旨深矣故參修者事非博之
難而難於核文非工之難而難於直去畱與奪非古之難
而難於今故華之學競之筆綜其煩操其衡乃稱能志也
孚齋王先生少志聖賢之學以狷介自持而於書無所不
讀窺其中裕如也其識炯如也蓋邑人士翕然宗之矣予
于公暇見舊志久墜觀省未備而以屬玉先生先生以老
辭再強之乃許余請而與邑中諸君子其纂錄之傍摻近
攬纖巨畢陳俾夫譌者正逸者存微者顯缺者補屬在晚
近而舊志所未及者各以類入一切考之輿論無間言乃
始彙爲十卷而成書蓋粵秦漢而迄於茲如次諸掌云時

少宰檢庵翁以太夫人假還少宰國史官也卜築於宜而
家焉予謁公請公以史律志而假一言之重以垂不朽公
歎曰夫志也事核而不溢文簡而不靡例嚴而不苛取善
廣而不徇存疑辨忒標形會景煩疏有體而不放吾乃知
王先生諸君子果能相與以有成也予邑令也不與有藉
乎由是不佞之王先生所謀授之剗劂且以諭王先生曰
公之志於輿地見山川之毓秀於營建見宮室樓櫓之壯
麗於官師則長令以下誰敢不動色相戒於食貨則軍儲
所需能不愀然危恐自是而選舉而人物而藝文夫孰非
邑之華而足以誠且勸者哉然予反覆於志之始末而竊

有慨也蓋宜俗故稱樸厚爲江左望卽吾鄉先哲蘇長公以文章節義雄長天下而乃擇里於宜宜之醕俗可知也不佞以樗材學製於此而適遭祲時拮据撫掌余固哀宜之艱而宜亦安余之拙凡四歷年所矣閒余莅政之暇觀風問俗則不無今昔之感蓋今之聲名文物或視昔過之而困輪旣斲土埴爲樽如長公所稱地僻民儉者不逮矣此豈山川鬱氣久而洩耶抑漸靡使之然耶抑亦無識微之君子因其流而挽之耶夫萬古此溪山耳而令後之人追咎宜俗之入於漓自今日始可乎哉且考古今之變察漓漓之繇以無忘先進之風以不失蘇長公以來及太史諸公卜居之意則有是志在王先生拜手謝曰夫必端本澄源爲吾宜圖久遠甚盛心也老夫耄矣無能爲矣其自今以後嘉父母之賜藉之

重刊宜興縣志舊序

邑人徐顯卿

檢庵

宜興去吾蘇三百里而近相傳毛萇由張公洞入東行從包山林屋洞天出其事不可迹亦足明地脈云余自諸生赴都時入其邑樂其山川土風逮入仕病告在里會當避地遂占籍于斯探諸名勝得芙蓉嶺構亭栖息久之病良已還朝又十年扶侍太淑人歸始築室長橋之南奉先大夫祠而遷焉時邑令陳侯修志書成謂余邑人也屬之序余謝幸甚明府遽邑人我夫周官外史掌四方之志志猶史也宜興爲江表名區故無紀述自晉周孝侯有風土記宋單氏續之正統間鄒令旦以屬訓導危山因舊編而飾

之成縣志更七十年正德之季韓令儒以屬教諭林文聰重修又七十年爲萬曆初韓令容延楊別駕阜李學諭延謚暨諸文學分任參考垂成而韓以制去事遂已今陳侯蒞政三載重本力端士習化行訟簡文教聿興一日抱韓侯遺稿造王別駕升周學諭國賓而屬之重訂王君篤行好古相與博採羣史蒐遺闡隱芟繁去譌輯成新志十卷首輿地而次營建重民社也先食貨而後學校循養教也官師而後人物究化原也忠義而後文藝權本末也他如引金陵志以證銅官由漢鑄山得名而力辨袁玘降棺之謬據晉史以表孝侯臨難慷慨徇義而不襲其家傳之諱

稽蔣氏世譜以續雲陽亭侯默于封統收單錫水利之策以裨於時務而悉補舊籍之所缺遺改正蘇文忠於僑寓敘其遷逐不偶匪獨沾沾於焚券一小節大都會要而折其衷實爲一邑之信史矣而余則謂志以徵文獻亦所以昭治理志以紀見聞尤所以重勸戒昔王澄問陳畱人士吏舉蔡子尼江應元其他官位弗及也澄歎曰舊名此邦有風俗小吏亦爾蓋古人所謂土風以道德爲重者如此宜之風俗志所稱佶直淳遜至於今不無小異然視他邑鮮情竅淫侈奇衰黠僞之習齊民盡力農桑巨室無歌舞聲豔又以僻故不甚被兵革舊家大族能根據數十世以

上所從來相保不艾要在長吏率先而訓植之而邦之士大夫益務砥礪其名行為庶民倡俾前有模範而後有矜式斯志所為重也不然山川勝概與天地俱封場所屆帝王經畫其餘沿革損益各因其時即紀述弗遺亦文具焉耳矣何當于師帥指乎茲非不佞樂居之意云爾余職史氏蓋嘗修國史矣請以史例志可哉陳侯曰是吾志也夫是吾志也夫侯名遴瑋別號劍華四川富順人丙戌進士纂修諸君子自王別駕而下俱邑之名士備列左方

重刊宜興縣志舊序

營州李先榮翼南

宜興為毘陵名邑山水秀發人文蔚起如震澤荆溪之滙注銅官南岳之聳拔蜀山蛟橋之勝蹟張公玉女之靈異往往聞而慕之歲乙丑得承乏是土甫入境即摻其志乘乃散佚磨滅幾不可識詢厥所由蓋以俗疲民敝通賦日積邑報命於或天亦大也某因其書文獻以或陳蘇且國朝定鼎四十餘年易令凡二十有一人或二年去或一年去甚或以數月去民視官如羈旅官視邑如傳舍救過不暇百凡墮壞邑志之散佚磨滅又何怪乎余媿瑣劣繼踵前人益兢兢滋懼戴星出入惟錢穀簿書是校奚有餘

李序

七

力爲纂述事竊念

天子明聖遣使圖繪天下名山川爲一統志訂訛證誤不遺荒遠而宜邑江國名區幸際

昌時顧使邑乘弗備四境不知亦負職取戾之一端也爰問邑紳徐竹逸先生先生曰某因其舊文增以近製稿具矣需明府潤色之即可付梓余於是取而披閱審定之事核而辭達例嚴而義該與曩之散佚磨滅者迥不同矣遂督劂劂氏竣工焉夫邑志之設匪獨取其文詞之博洽已也政教風俗於是寓焉記曰修其教不變其俗齊其政不易其宜夫亦言其常耳若宜邑當積弊之後非改絃而更張之惡乎濟惟邑賢士大夫錫之嘉謨以匡不逮俾獲幸告無罪將百凡之墮壞者修復尙有期也茲志其先之者矣

重刊宜興縣志舊序

邑人徐階鳳

竹逸

粵稽周官外史掌列國之志然周千八百國未聞有以志
 傳者至漢班固始以禮樂刑法分著十志而亦不屬之列
 國惟陳壽撰蜀魏吳三國志而世稱其善敘事後之史家
 恆以志列於紀表傳贊而不專以志名書雖鄭樵合諸史
 為通志而其體仍歸於史余嘗反覆考論志為史中之一
 目而實兼紀表傳贊之義但三國志通志以志為史故善
 惡並載有勸有戒若近世郡邑志載善不載惡以勸為戒
 任其事者其難有九前人所遺而修者摻羅弗廣不能
 補其闕略是曰紕漏其難一前人所誤而修者較核弗

精不能剔其訛謬是曰因循其難二往代之蹟以人亡而故刪之目前之事以人存而附入之是曰忘遠矚近其難三揚前代之美鋪張過實述近時之行簡略無文是曰尊古薄今其難四世家巨室無美而諛之單門寒賤有善而抑之是曰趨熱遠涼其難五前不考信於書史後不咨詢乎父老而任意爲增損失則妄矣其難六心之所好則錄之心之所憎則擯之而違眾以去取失則私矣其難七務爲新奇奧僻之詞上無關於政治之得失下無裨於風俗之淳漓失則浮夸其難八喜爲索瘢摘瑕之論或以一青掩大德或以末節棄生平失則刻覈其難九其難如此余

胡爲任其事乎蓋康熙癸亥秋盧郡侯崇義延余修郡志辭弗允遂與五邑紳士分任其事甲子秋蔡邑令司霑延余修邑志余知其難辭之再學諭顧君智王君在豐語余曰郡志五邑所共先生猶任之宜志何可辭乎於是翻然任之第襄事者僅得潘文學大儒陳儒士維岱同居志館披閱舊本商酌新條匝月而規模粗定余又攜稿願息齋中獨爲訂正芟其繁補其缺辨其訛作小序論說跋贊三十餘首綴於各卷中雖卮言諺語竊欲少補於吏治民生人心世道也然而余之任事有三罪焉今天子聖文神武合海內外從欲嚮風在廷侍從皆臯夔伊

傅之才會典正在纂修制作隆於千古爰彙郡邑志以成
大一統之書甚盛事也余以庸質淺學僭掌外史之職備
天祿石渠之採輯才不勝任罪一宜邑薦紳先生或養重
林泉或究心理學或古道相尙力挽澆薄之風品望足以
壓眾器識足以成務者不乏其人余以少賤習鄙凡山川
風土兵賦事物稍能通曉而於聖賢修省身心之學欲實
踐而未能德不堪任罪二宜邑山水明秀英賢蔚興巍科
顯爵雖不及前其身列詞翰之苑秩居撰著之席者踵相
接也余以薄宦歸來自放於山椒水湄日與樵漁爲伍甘
心貧賤歷廿餘年一齊民耳分不宜任罪三辭九難而不

獲受三罪其奚疑閱五月稿成授梓乃蔡令緣事工遂輟
迄丙寅秋李邑侯翼南蒞事期月才敏守堅民安吏肅百
廢漸興一日詢及邑志余以劄劂未完告侯慨然曰志雖
一邑之書而朝廷之大經大法於是乎昭地方之大利大
害於是乎辨官長之教養士民之習俗歷代之文獻悉於
是乎徵烏可有稿不梓無以彰同文之治乎卽細加潤色
捐俸鳩工刻期告竣嗟乎余於是不能無嘅矣宜志自萬
厯己丑王別駕升修後至康熙壬子史令君宗堯奉上檄
延史司理夏隆吳司理晉剡陳檢討維崧任文學源祥協
修而未成甲子秋蔡令君奉檄延修稿雖具又緣事而未

梓必待李侯運斧於盤錯之中不數月而聿觀厥成豈邑志一書成不成亦有數乎抑亦任事者之力不力耳李侯將有改建政堂整葺譙樓之舉此皆垂久之功可爲百世甘棠視彼以官署爲傳舍者其度越豈不遠哉修志成例得敘其事於簡端余思修志大義陳邑侯遴瑋家少宰顯卿詳哉言之余何庸贅第述任事之難暨任事之罪以告通邑之人俾後之覽者亦皆有感於余言云爾

重刊宜興縣舊志卷首

凡例

一宜荆舊係一邑泥合志之說者謂未分縣以前一切土田賦稅人物學校合載前冊斷無可分執分志之說者謂既分縣以後職官賦稅人物學額畫然分隸不能復合今則斷自雍正三年以前定爲宜興舊志蓋視徐志又增四十年矣自雍正四年分縣以後曰新修宜興縣志曰新修荆溪縣志凡此一遵國家定制不敢以己意妄存分合之見也

一縣志自康熙二十五年徐司李修後百一十二年未

有續編閒訪前事半多湮沒茲則採輯舊文諮諸遺獻粗加釐訂追續前書以俟識者鑒定之

一舊志內惟古蹟一條分志不必重見其餘如寺觀橋梁各條於分縣後或有重修創造者仍須詳載否則亦不重出以免複沓

一王徐二志有與正史不符及正史雖無明文而他書足據者其中確有譌舛酌加改定並附按於下凡以考據宜精非妄爲改竄也

一志中有在官無案可稽如人物封廕各條有在鄉採訪難遍如名人邱墓未旌列女各條止據現在開報

者書之此外或有闕失搜羅所及已入補遺

一田賦遵 功令分志內自應據現在者書之若宋元明以來有可考證者錄入前編舊志中以明制度所由昉亦考古之一助也

一蠲賑入之田賦卷中詳開年分蠲數并錄民捐議敘于後一以見

國恩稠疊一以見民風淳厚垂示來茲庶共知勸勉爾

一志書以人物爲重若輿圖沿革疆域山川風俗田賦學校武備種種皆有關係亦未可略故據古證今務求詳備

一學校關係風化甚大凡有碑文記序概載本條之下以其文之有功名教也至書院書籍禮器樂章皆以修明禮樂移易風俗宜悉增載

一分縣後有分而未分如城垣學宮諸項種種合一其有分隸殊制者則兩載之或制本合一則詳書於宜志而於荆志則曰詳見宜興新志庶爲煩簡得宜

一選舉中科甲後繼以諸貢恩拔副歲之外其由廩增附加貢者現在國子監中定以正途之目自宜一體登載其由俊秀納粟而入仕者列例仕條未入仕者不書至於武庠報捐貢生現奉新例必須先行赴部

注銷始準加捐自不得濫載

一舊志選舉科甲諸貢封蔭內間有一二褒獎語殊非志體今特照原本分類另編附錄人物志之末其已有傳者不贅

一人物志所載名人取其事業文章可法可傳者載之雖生平偶有一二遺行自宜略去或其人有一二善行可稱亦宜登載以明善善從長之意至舊志所遺而善行流傳有確據者亦爲補入亦曰錄事必求其一舊志人物傳中孝友文苑行誼諸條仍而不變至儒林一條易以理學義爲較切其餘如廉慎循良俱併

人治績條內惟勳德二字古人中如伊呂周召始當之無愧後世如武鄉侯汾陽王千載寥寥不易觀今特芟去以其中之人物散布各條亦曰紀事必求其實選言必居其要而已

一當官以忠義爲本處變處常初無二致一切名臣忠節正直等義包括無遺冠諸人物之首竊謂闡揚已極至若一介寒微捐軀殉國如河西傭補鍋匠當其精誠所激亦復何愧聖賢彼視崇階高爵泡影粃糠正不得以勢位懸殊遂謂不宜並列也

一人品之是非高下蓋棺乃定若其人尙在雖輿論鄉評確可其信未敢輒入以破成例藝文內所載亦然至人物舊志或并書號茲從紀傳體概省之

一列女已旌自宜詳載其未經請旌而青年矢志苦節完貞有確據者無論已故未故一體登載

一詩文取其有關山川古蹟祠宇寺觀者旣附各條之後此外尙有名人詩文卷帙浩繁不能盡附者彙錄之爲藝文志其餘文辭雖工與志無涉概不濫登

城垣

公署

附舊署

倉庫

廢署

附亭館

壇廟

坊表

橋梁

郵所

舖舍

卷三田賦志

戶口

科則

解支

漕運

雜稅 鹽魚蘆課附

積儲

蠲賑

卷四學校志

學宮

四祠

禮樂器

卧碑

學額

學田

書院

社學

鄉飲

鄉約

卷五職官志

守令

僚屬

學秩

武秩

爵秩

名宦

卷六武備志

營制

武事

阨塞

卷七選舉志

徵辟

進士

舉人

諸貢

科名附考

武進士

重刊宜興縣志

武舉 附武職

例仕

封贈

蔭敘

卷八人物志

忠義

治績

理學

孝友

文苑

行誼

隱逸

僑寓

附錄

列女

卷九古蹟志

遺址

名勝

碑刻

邱墓

卷十藝文志

奏議

序

記

題跋

賦

五古

七古

歌行

五律

七律

五排

五截

六截

七截

詞

卷末

藝術

寺觀

方外

祥異

軼聞

重刊宜興縣志

卷首

目錄

三

署 荆 溪 縣 事 高伯揚

協修

宜 興 縣 教 諭 季晝錦

宜 興 縣 教 諭 路一德

荆 溪 縣 訓 導 史采

總修

原任涇縣教諭癸酉舉人甲明通榜掌教蜀山書院甯楷

參訂

封 儀 徵 縣 教 諭 潘時敏

原任宜川縣知縣辛卯舉人路學宏

原任崇安縣知縣己丑進士汪煥

貢 生 湯紹寬

貢 生 徐瀛士

貢 生 李士傳

生 員 莫峻明

分修

舉 人 蔣 騏

舉 人 戴 勉

舉 人 宗杏標

舉 人 沈兆升

舉 人 周葆元

舉 人 潘恩紱

舉 人 吳甯字

舉 人 李星

舉 人 萬寶

貢 生 潘允喆

生 員 萬之蘅

生 員 儲楷

生 員 儲徵甲

校理 安 釋 賦 淵 日 五 士

翰 林 院 檢 討 潘東曜

舉 人 曹榮煥

舉 人 汪坤厚

貢 生 周芳

貢 生 路應求

生 員 戴樹穀

生 員 徐景棠

生 員 徐景棠

生 員 蔣景昌

監 生 潘玉珂

重刊宜興縣志 卷首 纂修姓氏 三

監

生 李烈

監

生 任朝楨

監

生 儲葆先

監

生 周星垣

監

生 徐經權

監

生 任葆真

童

生 欽廷槐

督刊

湖

檢 喻榮疆

宜

史 王蘭璧

漢

司

巡

興

縣

典

荆

史 王衡

溪

縣

典

剗

剗

監

生 胡駿

圖而係之以舊不忘其朔也士食舊德之名氏農服
先疇之畎畝于今雖分而版圖比連綺交繡錯兩邑
人士更無此疆彼界之心則寓合一于全境圖中亦
猶存念舊之意也

重刊宜興縣舊志卷首

城垣圖說

宜興城小而固東西南三面縈繞兩泆會合以達北
城運河環之雉堞參差萬家烟火冠之以圖而邑屋
之繁華形勢之險要一寓目而盡得之

宜興縣志卷之四
宜荆以一城分隸二縣大抵以西半城爲宜興東半
城爲荆溪自北門至南門中分其界市井交通帆檣
停泊往來者不知有兩邑之分也故彙爲一圖實亦
以城垣之無可強分爾



重刊宜興縣舊志卷之首

學宮圖說

學校重於三代至秦而廢漢祀

孔子於闕里唐宋元明皆祀於廟

國朝因之而學宮之重萬古爲昭圖之所以明慎重也
徐志故有圖其制畧備但西齋後有儒署而無東齋
後之儒署射圃亭已圯仍係之西偏與制稍有未符
今特爲增損視舊加詳密焉



文廟為

先師而設殿宇宏麗正位乎中以示尊也前設啟聖祠湖
所生也後為明倫堂尊其教也至鄉賢名宦祠以隆
儒術以勵官方制綦詳矣覽斯圖者知
國家尊崇學校獎勵士林奮興勸勉以無負
作育人材之至意斯庶幾焉

重刊宜興縣舊志卷之一

疆域志 星紀

星隨天轉動也野以地分靜也以至動之星配至靜之
野何能尺寸相符然熒惑守心於宋寶沈為崇於晉李
邵識二使之入蜀薛頤奉四德之分秦往往奇中蓋星
麗乎天躔度或移而其精氣所屬確有定位如五行之
寄五方而不在以形跡求也況有遲留有伏逆有飛孛
識者徵之休咎自見故唐書山河兩戒考以地證天第
甘石家推測之法自有專門姑列之以俟通其術者
揚州之域天文所屬乃斗牛女之次 周禮保章氏註星

紀吳越也 帝王世紀曰自牛十一度至女七度吳越分
晉書南斗十二度至須女七度爲星紀 唐書南斗牽
牛星紀也 元史斗四度三十六分六十六秒入吳越分

重刊宜興縣舊志卷之一

疆域志

疆域

天辨分野地辨方輿地主靜故云方地主載故云輿然
統言之則爲方輿析言之則爲疆域此都會郡縣之所
由起也卽一邑之中城鄉都鄙界畫分明主治者斯有
條理焉志疆域

宜興疆域廣袤之數宋以前不可考已載在咸淳毘陵志

者曰東西百六十五里南北百十四里東九十三里入平

江府吳縣太湖中沂洲西陽

一云洞庭西山

西七十二里入建康

府溧陽縣葑墟村南六十里入安吉州長興縣垂腳嶺分

水北五十四里入晉陵縣孫墅村是爲四正之境東南八
十四里入長興縣義鄉山西南百里入廣德軍廣德縣伏
牛嶺東北六十五里入晉陵縣百瀆口舊志六十里入
武進陵臺村西
北九十里入鎮江府金壇縣是爲四隅之境朱昱成化昆
陵志謂明初重加揆度廣百六十二里袤百四十里東西
南三界同咸淳志北界抵武進縣黃土橋唐鶴徵陳玉璣
常州府志並因之三書皆言正而不及隅萬曆時王升縣
志乃以東西爲百九十里其所載四正四隅惟西之葑埭
村與咸淳志同其東則云抵蘇州吳江縣界太湖中項沙
洲九十里南抵湖州府長興縣界啄木嶺分水八十里北

抵武進縣界黃土橋六十里東南抵太湖長興縣界浮山
嘴七十里西南抵廣德州溧陽縣界分界山百里東北抵
武進舊志作
無錫縣界百瀆口七十里西北抵金壇縣界就洛
村七十里康熙間徐階鳳縣志因之據今兩縣之境考之
與各志所言舊境有同有不同爰以今所定者著於篇

宜興縣舊境

東九十里至太湖中項沙洲蘇州府吳縣界
西七十里至渡濟橋鎮江府溧陽縣界
南八十里至啄木嶺浙江長興縣界
北六十里至五洞橋陽湖縣界

東南八十里至董塘浮山嘴浙江長興縣界

西南百里至伏牛嶺分界山安徽廣德界

東北六十五里至百瀆口分水墩陽湖縣界

西北九十里至就洛村鎮江府金壇縣界

由宜興城百二十里達于府二百九十里達于蘇州府三

百六十里達于江甯府三千四百八十里達于

京師由縣城至無錫縣百四十里至溧陽縣九十里至金

壇縣百三十里

宋唐陳府志俱作百二十里

至廣德州百八十里至浙

江湖州府百四十四里至長興縣百四十里至德清縣百

八十四里各志舊載併附書焉

重刊宜興縣舊志卷之一

疆域志

沿革

歷代肇興首稽輿地規模互異名號各殊凡載諸史冊

者班班可考然或數代相沿或一朝屢改卽在一邑中

亦具有盛衰興廢之迹今悉著於篇爲居今稽古者之

鑒云

唐虞夏商時地屬揚州

周初屬吳元王四年越勾踐滅吳遂屬越顯王三十六年

楚威王滅越又屬楚

秦并楚置會稽郡始爲陽羨縣以屬之

漢高帝十二年以縣爲陽羨侯封國荆令尹靈常以仍屬
會稽郡文帝十二年國除仍爲縣光武時爲陽羨邑順帝
永建四年邑人周嘉上書以吳越國周旋萬一千里浙江
山川險絕求得分置遂析浙江以東爲會稽郡浙江以西
爲吳郡以陽羨屬焉

三國吳寶鼎元年析吳郡之陽羨永安餘杭臨水烏程及
丹陽郡之故障安吉原鄉於潛凡九縣置吳興郡統之
晉惠帝永興元年以周玘三興義兵討賊有功割吳興之
陽羨并長城縣之北鄉置義鄉國山臨津并陽羨四縣又
分丹陽之永世置平陵及永世凡六縣立義興郡以表玘

之功屬揚州

宋武帝永初三年割陽羨義鄉及宣城之廣德吳興郡之

故鄣長城五縣相近地增置綏安縣今長興縣屬義興郡

郡仍統至明帝泰始四年宋志作元以義興郡屬南徐州

六縣今丹徒齊武帝永明二年以義興郡屬揚州尋復屬南徐州

梁陳二代義興郡俱屬南徐州領陽羨臨津國山義鄉綏

安凡五縣

隋文帝開皇九年廢義興郡改陽羨縣爲義興縣省義鄉

國山臨津三縣入之屬常州府常州後改
爲毘陵郡

唐高祖武德二年改義興縣為鷺州仍分置陽羨臨津二縣屬之國山遂廢七年又改鷺州為南興州

唐志缺載鷺州今依通典

補之仍置義興陽羨臨津三縣屬之八年州廢并省陽羨臨

津獨存義興縣仍屬常州府至肅宗乾元二年割義興縣

屬潤州

今鎮江

三年復屬常州府

常州天寶間改為晉陵郡又復為常州

宋太宗太平興國元年避諱改義興縣為宜興縣

元世祖至元十五年升宜興縣為宜興府二十年仍為縣

二十一年復升為府仍置宜興縣以隸之元真元年府縣

俱廢止立宜興州仍屬常州路

明太祖洪武二年改為縣屬常州府

國朝因明舊制宜興縣屬常州府雍正二年兩江總督查

弼納以宜興賦重事繁題請分為兩縣三年析宜興縣興

圖置荆溪縣並隸常州府

重刊宜興縣舊志卷之一

疆域志

山川

君山

嶺巖峯芥塢合載

君山在縣西南二十里舊名荆南山俗名銅官山高二百三十仞麓周一十五里為一邑之鎮風土記云東漢袁玘為陽羨長逆知水旱每言殷當為神後無疾而終一夕風雨晦暝亡其棺邑人夜聞此山有數千人聲旦亟往視棺在焉走白縣吏民羣至則棺已瘞藏惟見石塚石壇旁有竹枝如馬鬣遂神之為立祠或傳玘之亡天賜銅棺以葬或云山昔產銅有司采之故名銅官上有

龍潭產蜥蜴禱雨輒應唐陸希聲詩有君山蒼翠接青冥之句都穆有南嶽銅官二山記

南嶽山在縣西南一十五里即君山之北麓孫皓既封國

山遂禪此山為南嶽其地即古陽羨產茶處詳名勝

香爐峯在君山正南兩石筍間突起圓峯峭不可登俗又

號雄鷲頭舊有金鷲山疑即此

篆嶺在南嶽左

馬面山在南嶽東

仰高山在石亭埠南馬面山之右

丹山在南嶽西

圍塢在縣西南十五里四圍皆山中有泉石可愛又有大

同塢小同塢俱相近

山花嶺舊名楊梅嶺在君山西昔產蜜楊梅人貢任昉謂

其病民奏革之西其山

皂莢嶺在山花嶺北

陽嶺在君山西北

嶼山在南嶽西

柘塢在嶼山西

薔薇塢在縣西南二十五里六平村南地多此花故名

清流塢在縣西南三十里與潼渚相近

紫雲山在薔薇塢東大蘆山北內有徐文靖祖墓

蓬山在潼渚南

橫山一名大蘆山在薔薇塢南君山之西麓上有禪寺

芙蓉山在縣西南三十里君山之南麓眾峯簇擁望之若

芙蓉故名直南正與龍池對山有寺唐大毓禪師曾建

道場詳寺觀

西甌山在大蘆山西其形如甌雲氣騰湧若炊故名

小心山一名敷金嶺在縣西南三十五里為君山之西峯

其下湧泉皆金色

茗嶺山一日閩嶺在縣西南八十餘里山脊與長興分界

宿茶神俗 誤劉秀廟舊多茶較離墨尤勝俗稱廟前廟後茶者是

象山在茗嶺北青峯入雲層巒劍矗有盧忠肅公祖墓

正幹山在茗嶺東北

向山在茗嶺北與正幹山相連外口頗隘中極寬平良田

可五六百畝居人可數百餘家東通長興西通廣德可

以避亂在茗嶺西十里巉巖壁立仄徑通人下臨深澗

時間瀑布聲乃象山之門戶

瑤魯山在向山東北疑即唐志所稱瑤蘭山

蘭甸山唐志茗嶺直北曰瑤蘭山右一枝曰蘭甸山再右

曰龍池山

柏山岡在向山北

丁山在向山北此山在縣西南七十餘里與東丁山別

祖山在東霞埠南

長岡林在茗嶺北一名石義山疑卽唐志馬耳山兩峰尖

聳如馬耳登其巔有舊城基相傳明初有徐萬戶據之或曰有避亂者居之藉以拒盜今在永豐十七圖

篆嶺在向山東

石屑芥在向山東

龍池山在縣西南七十里山巔有池池中多蜥蜴山下有

洞曰陳公洞詳名勝

白雲巖在龍池山巔詳名勝咸淳志成化志有白雲巖

王志徐志並載今考之無所謂白雲巖者核舊志所云峻逾百仞上有龍湫雲氣常蒸繞禱雨輒應其卽龍池白雲巖無疑

伏虎巖在龍池山巔稍西詳名勝

長嶺在茗嶺東

大嶺在長嶺東從茗嶺往東省莊道必經此

水竹山在龍池東南

潘山在龍池東南

陽嶺在潘山北

長龍山在陽嶺北龍池山東

慕石峇在陽嶺北分水嶺南

分水嶺在龍池北

嵩山在縣西南三十五里分水嶺東

仰嶺在龍池西北

東蔣山西蔣山在龍池西

白雲洞山在龍池西北此山名非洞名也

上葛山下葛山在仰嶺西

箬山在縣西南五十里祝陵南山徑平坦東達川埠王志

云箬嶺卽箬山今考縣西南八十里另有箬嶺

銅坑山在龍池西

玉帶山在祝陵南

黃龍山在玉帶山南

沿溪山在張渚鎮北與獨山對峙茗嶺之水皆會於此兩

山實逆鎖之在天頂山北二十里

離墨山在縣西南五十里九嶺相連高一百二十五仞臨

蒲墅蕩東相傳仙人鍾離墨得道於此故名山頂產佳

茗芳香冠他種

國山在離墨西南三里孫吳時有大石自立又有石立十

餘丈皓侈以爲瑞遣司徒董朝封之改名國山立石頌

德其形如鼓俗呼國碑詳見古蹟又呼爲董山以董朝

所封故碑文兼篆隸年久剝壞乾隆甲寅年荆令唐仲
冕搆石亭覆之又自爲記勒石

善權山在國山東南

龍巖在善權山有洞曰善權洞詳名勝

茗山在縣西南五十里

三州山在襄王嶺西南東界長興西界廣德俗名茅山

襄王嶺在縣西南九十里係三州山東幹

道地嶺在襄王嶺東

太華山在襄王嶺東北山極高峻其頂有寺名九峯禪院

明嘉靖年建西曰黃坑芥石壁峻峭如畫東曰北川芥

其澗皆西北流匯成大澗至龍嘴潭

穀嶺在縣西南九十里太華山西北東出曰石門西出曰

龍嘴

石門山近穀嶺有石門庵

天頂山在石門東長岡林西北萬山中巍然獨秀

海岱山在天頂山北形如半環有武進唐鶴徵祖墓下有唐家莊

大母芥在穀嶺北

橋亭山在大母芥西係南北通衢

鳳姑嶺一名王古岡在大母芥北

靜山在鳳飛嶺西

鳳飛嶺在縣西南七十餘里上有鳳飛庵其西峯曰雞籠山與嶺相連互

橫山在鳳飛嶺西弔橋北其西近烏溪壩

小賢嶺大賢嶺在鳳飛嶺北

虬山嶺在大賢嶺北其東為張渚鎮

獨山一名犢山在張渚鎮北其形如象與沿溪山對峙張渚水口東岸之山至沿溪山止西岸之山至獨山止距天頂山二十里

梅子嶺在虬山嶺北宋建炎三年巡檢方允武與金兵戰歿於此按自穀嶺而北諸嶺迢遞相接嶺西為金泉區澗皆西流入西洋渚嶺東為永豐區澗皆東流

入張渚

獅子山在梅子嶺北

九條岡在梅子嶺西北

煙山在縣西南五十里與離墨山相對上有漁磯臨深谷

舊傳孫堅釣於此

羅漢山在煙山西南

雞籠山在煙山東北

大金山在煙山南

藕山一名藕節山在煙山西

石牛岡在煙山西

茶山在藕山西與俞山對峙為金泉區諸山水口

魯山在茶山北西臨毫陽河

潑活芥在縣西南九十里三州山西

天井潭山在潑活芥北其南為襄陽村其西為西井村與

鮑娘山對峙

鮑娘山在西井西

太平山在三州山西上有正覺庵

分界山在縣西南百里太平山西入廣德界山甚平坦

深洞山在分界山西

箭嶺在深洞山西

伏牛山一名金牛嶺在縣西南百里舊志溧陽分界今考
與廣德分界

黃石芥在箭嶺北有黃石庵泉石可玩

乾元芥在箭嶺北芥底有高石峯名仙人石

箬嶺在箭嶺西邑西南境止此

庵基山在乾元芥西與廣德溧陽界

武花山今名鳳凰山在黃石芥北

礪山在武花山北其形方頂平如礪王志云自小心山連
互而起下有金泉徐志云下有泉自章山出炯炯如金
流入慈湖溪故以金泉名其鄉云

大龍山在礪山西

長山在縣西南九十里釣橋西長十餘里奇峰峭立下有

沸泉按太華山水自東南來乾元界諸水自西南來匯為大澗暴雨則汪洋奔迸流至長山下澗騰湧其

聲如沸故舊稱沸泉

章山在長山北綿亘西來其澗自烏溪即慈湖溪北流有六壩

蓄水溉田可千畝按徐志云山周廣六十八里高六十八丈近武花沸泉二山又云通計武

花西北諸山皆謂之章山今考之土人殊多不合存參

雙塘嶺在長山西有澗自溧陽來注慈湖溪有橋曰長安

橋

磨盤山在長山北

晨山在縣西南八十里山自長興北出溧陽境而左旋復

入本邑特起晨山西為西瑤界盧忠肅公墓在焉

潘山在晨山東北

白塔山在晨山北

下山在晨山北

蔣山在白塔山北

俞山在蔣山北平中突起二山流水環之東曰小俞西曰

大俞與魯山對峙為金泉諸山水口其下有港通溧陽

戴埠

靜樂山在縣南三十里君山之東麓有禪寺景物甚幽

甌山在川埠西榭嶺東南名東甌山唐志云由甌山過榭

嶺則為君山今有甌山庵與靜樂寺同隸均上八圖

子雲贈法海師還山詩忽聞甌山侶萬里自相親次參
晚霖霽重疊晴雲新唐僧清塞宿畫上人房詩云別來
松頂宿知在甌山禪積
霽沈斜月孤燈照落泉

使嶺在縣南二十五里舊稱君山最高而嶺為之東導有

承使之象故名

榭嶺在君山東多榛栗

下馬嶺在縣南十五里山蹊巖險過者解鞍又有上馬嶺

相距半里山徑傾仄相類

下山在縣南五里一名霞山又名暇山來自使嶺連互龍

潭篠嶺諸山其下支壘甚多類多名塚孫鴻慶臚舟有
詩云蘿牽籬幕

翠葉隕砌堆紅宿鳥
來還去微泉咽復通

上山在下山西自駱家山以下十數山俱在縣東南近縣
十數里之內而支脉則皆自南來任源祥

山水志小序云君山稍北而東出至於白家山
未至白家山右旋北出則為龍潭篠嶺諸山

香山在縣南三十五里按香山村在均山鄉六十五都與
川埠丁山南墅靜樂相近距蘭山

甚遠而舊志云與蘭山相接是以蘭山南之
香山嘴當之已隸長興非境內之香山也

龍山在縣南五十里下有武陵洞

磬山在縣南五十餘里湖汶西南二十里中有禪院明天

啟開天隱和尚建

垂腳嶺在縣南六十里入長興忻溪界十道志云行人陟

嶺多重趺一名懸腳嶺

積石塢在水西澗南多勇姓

白家山在縣東南二十里為君山之東峯

駱家山在烏墅寺南

烏墅山在滄浦山南有寺

廣福山在滄浦東

滄浦山在龍潭東明萬曆三十五年建七級浮圖名承雲

塔

梅林山在下山東

龍潭山在篠嶺東

縣嶺在篠嶺北南二十五里

篠嶺在縣東南五里有三塢前後連互

銀樹嶺在縣東南十里

壽山一名陽山在廣福東

穿石山一名蛟山又名洞山在縣東南二十里詳名勝

石灰山在丁山西南

丁山在縣東南三十五里有甯相公墓或以為甯戚

黃龍山在丁山東

青龍山在黃龍山東產黃石者曰黃龍山產青石者曰青

龍山二山相近

蜀山在縣東南三十八里一峯屹立水環其麓亦名獨山

罨畫溪自南而北至張澤橋入東溪羣山皆在河西惟

蜀山在河東山麓有東坡書院

頤山在縣東南三十五里唐陸希聲退隱於此謂此山東

走震澤有頤之象故名著二十有七詠記臺池泉石林

木之勝宋嘉祐中令趙文昌刻石縣圃

松嶺偃月嶺梅花塢俱在頤山

均山在縣東南三十五里東接長興南連廣德重山複嶺

頗易匿瑕

唐貢山在縣東南三十五里臨罨畫溪以唐時產茶入貢

故名金沙泉即在其下

唐杜牧題茶山詩山實東南秀茶稱瑞草魁剖符雖俗吏修貢

亦仙才溪盡停蠻棹旗張卓翠苔柳村穿窈窕松澗渡

喧應等級雲峯峻寬平洞府開拂天聞笑語特地見樓

臺泉嫩黃金湧芽香紫壁裁拜章期沃日輕騎疾奔雷

舞袖嵐侵濕歌聲谷答迴磬清藏葉鳥雪豐照潭梅好

是全家到兼為奉詔來樹陰香作帳花徑落成堆景

物殘三月登臨愴一杯重遊難自剋俯首入塵埃

張公山在縣東南五十五里山巔空穴到底郭璞註云陽

羨有張公山洞中有南北二堂故老傳云張道陵居此

求仙詳張公洞

會仙巖在張公洞側百餘步孤峯壁立若雕琢然詳名勝

金晶巖在張公洞西南二里許詳名勝

紅嶺在湖汶南十餘里山多映山紅花開時遍山盡赤一

作洪林山

大成山一作大乘一作大城在湖汶渚西八里下有洞旁有庵儲大文記云大乘寺適當龍池磬山中行者得憩焉

啄木嶺在縣東南七十里唐湖常二守貢茶相會之地

大潮山一名南山在縣東南五十里上有金雞墩內有洞

可藏二三十人夏璜詩雨歇捲疏簾嵐收見孤嶺丹浮荷翻影白雲何處來半掩青螺頂

楚山在縣東南五十里與大潮山連互而西挺然特出

蘭山在縣東南五十里麓周一十五里輿地志云石蘭山

斗入太湖五里南曰大蘭山北曰小蘭山舊多產蘭故名石麓入湖中謂之蘭座旅舟多罹其險明宏治閒沈

亞卿暉夫人捐米二百石鳩工運石築高壘以為標望行者知避至今德之

項麒詩逶迤石蘭渚蘭香濃欲滴念彼種蘭人徘徊日將夕

義山在縣東南六十里東臨太湖有義鄉城廢址南入長興界

子山在蘭山西北

湘子嶺在鳳川

鏡臺山在縣東南六十五里鳳川西南大埠頭

九里山在縣東九里

段岡山在縣東十里臨東溪上山麓多巨石風水相搏湍流峻急舟行至此多罹其險

計山在縣東北二十五里俗作岳山山巔有龍池宋時築

龍祠於其上

蔡肇詩云南山鬱鬱天作鼓號召諸龍盡行雨惟有禿角最先到潑墨雲中雪鱗舞

金鷺山在岳山東昔有金鷺飛集唐改義興為鷺州以此

虞山在縣東北二十里岳山東

舊志云曾產連理木

挂弓山在岳山東

保安山在岳山東南有寺

玉犬山在保安山前

李山在縣東北三十五里岳山東北有李山禪寺

陽山在縣東北三十五里一作岬山風土記云山多縱石

上有周孝侯試劍石又有宋樞密使郭三益香火院曰

彰善寺

浮山在縣東北三十五里兩峯對峙三面溪環詩人多題

咏目為浮峯醮碧

竹山在縣東北六十里太湖濱沙塘港口其阜直峙湖中

山洞出白泥可堊壁

洞山在竹山西北

蓼莪山在縣東北六十里舊傳晉王裒嘗隱於此

百瀆山在縣東北與陽湖分界百瀆村北里許有陳墓灣

山隸陽湖界舊志又有柯山在涇湖鄉下有蔣默墓今和橋西南有柯山橋而無山亦無蔣墓墓
山在竹

都山在縣西北四十五里一名工字山西南一峯東西二峯中互小嶺有蔣澄墓山西有蕩

安樂山在都山西十里蒲干蕩東

山山在縣西北七十里西入溧陽界風土記云昔山姥於此得道後人立亭祀之漢封蔣澄爲山亭鄉侯舊志云與山山對峙者曰荆山又分大玉山小玉山今俱無考

臥牛山在南山北

金豐山在安樂山北

董家山在金豐山北

彭祖山一名黃土山俗名彭莊山在董家山北

琅玕山在縣西北九十里新市河東上有龍湫歲旱禱雨

力山楊渚山並距縣西北九十里長蕩湖東南

前花山在縣西北八十餘里楊渚河西

周山在前花山北其支曰東山舊傳魏博士周生烈葬此或云有斷碑乃烈所作

黃家山在周山西洮湖濱

漸山在洮湖濱峯巒奇怪以詩有漸漸之石故名

小坯山一名白石山在洮湖中輿地志云水底有石室亦有虎跡涸則見

大坯山在小坯山北亦在洮湖中二山相望水四面環之

若浮故名其山金壇溧陽志並載今此山專屬宜興上

有普門禪院芮畿詩昨宵海上失蓬萊愁煞羣仙望不

按此山坐落洮湖宜金溧俱載此山者因在三邑交界

故各引為名勝耳稽之王徐二志載明國稅專屬於宜

上有曹氏祖墓白明季迄國朝俱係曹氏全辨山糧

乾隆十一年普門寺僧捏詞上控欲將此山改歸寺業

奉撫院莊批府審讞山仍歸曹寺亦永作曹氏香火並

將丈出餘山及山下灘漲準令曹氏報陞遂為定案

柚山在縣西北九十餘里與大坯山對峙多巨石延袤數

里下臨洮湖風起水湧濺沫如雪東麓有蔣氏讀書精

舍今不存

山洞

張公洞在張公山詳名勝

善權洞在善權山詳名勝

飛蓋洞在會仙巖

白馬洞在張公洞後詳名勝

白鶴洞在張公洞北二里

佛窟洞在張公洞西南三里玉女潭西詳名勝

君陽洞在水犀洞南當君山之陽故名詳名勝

大成洞一名凌家洞在大成山詳名勝

金沙洞在湖汶金沙寺俗名鮎魚洞

武陵洞一名西施洞在龍山下詳名勝

川埠洞在穿石山勝詳名

天井洞在芙蓉山寺前深峻如井以上十二洞俱載咸淳志

碁盤洞在會仙巖勝詳名

水犀洞在天窟洞西以上二洞唐志所增

三郎洞在芙蓉山寺前

善行洞在君山北其峯最高右洞左池巖石如蓋詳寺觀

陳公洞在龍池山麓因土人陳輿所闢故名

天窟洞在玉女潭西南三里詳名勝以上四洞王志徐志所增

仙人洞在長山麓

張公山潭張公山

玉女潭在張公洞西南三里詳名勝

金牛潭在張公洞後水泓澄不竭舊傳有金牛入此潭又

名伏牛潭

龜潭在湖汶側孫鴻慶詩云從來白馬澗聚作烏龜潭

蔣墓龍潭在縣東南二十里穴出山頂水清有魚魚不可

食每遇大雷電則龍火輒焚林木後以鐵投潭中遂息

蔣景坡書龍潭二大字刻石上今不存

君山龍潭

岳山龍潭

聖山龍潭以上七潭俱載咸淳志

清水龍潭在縣西南五十里

龍池山龍潭

琅玕山龍潭

章懋潭在湖汶東南里許

以上四潭王志徐志所增外又有白茫潭拜都潭皆非山潭另

列諸溪

山泉

金泉在金泉區礪山泉色炯炯如金故名徐志云金泉有

三一在永豐區敷金嶺一在均山區唐貢山今無考

真珠泉一名卓錫泉在南嶽寺前大旱不竭唐稠錫和尚

嘗欲以此泉烹桐廬茶未幾有白蛇銜茶子置庵側自

是種滋蔓味極佳時人爭致官府徵需無藝寺僧苦之

有題壁間云官符星火催新焙反使山僧怨白蛇泉舊

有亭覆之吳達可題卓錫泉三字

潛虬泉在湖汶渚幽深不可測中有四足鮎數歲輒一出

出必大水陸希聲詩蟠虬小穴出嵌空潛伏幽姿在此

中

於潛泉在湖汶鎮稅務場後穴濶二尺許狀如井其源嘗

伏味甘冽唐修貢茶時此泉亦上供

沸泉在慈湖溪側詳見長山

湯泉在金泉區十五圖有湯泉村今已無泉舊志以為水

温可浴以上六泉俱載咸淳志王志增游泉本寰宇記在縣南四十里北流入圻溪今訪之莫有知者

徐志增陽羨茶泉本湖州府志云在啄木嶺今亦無考

黃潼澗在縣西南五里源出君山圍塢嶺經石亭至南郭入東西兩溪

大澗在縣西南十里源出南嶽山北流至後袁河入西溪
治林澗一名泊林澗在縣西南十五里舊志云源出君山北入荆溪今考之莫知有治林泊林之名惟有澗出嶼山經環里彭莊北至後袁河入西溪西南山澗惟此為最大又有泊林村與彭莊相近則今之嶼山澗即舊志

治林澗無疑

洛澗在縣東南二十五里與查林近源出君山北流至張澤河入東溪

橫澗在縣南二十五里舊志云源出君山北入東瀉溪
白馬澗在張公洞側舊傳白馬見於此韓熙載洞靈觀碑云飛白馬於澗邊臥金牛於潭底以上六澗載咸淳志

水西澗在縣南七十里今考懸腳嶺有澗北流至澗源經鳳凰橋入太湖疑即此澗也以上一澗王志增入今橫澗白馬澗水西澗俱不著

名然山澗未嘗改移特古今異名或村居遷徙莫可指耳並載之以俟考

薔薇澗在縣西南二十五里源出薔薇塢北流經陸平村

入西溪

梅林澗在縣東南十里源出篠嶺諸山北流入東溪

潼渚在縣西南三十五里源出橫山蓬山經下埠頭北流

入張渚河

烏塘渚在縣西南五十里源出鳳凰窠梅子嶺諸山自西

南來匯葉溪諸澗東流至五洞橋入蒲墅蕩

祝陵澗在縣西南六十里源出箬山善權諸山西流經玉

帶橋楊春橋合張渚河入蒲墅蕩

畫眉澗即東霞埠澗在縣西南七十里源出龍池諸山北

流至新橋與張渚合

張渚一名桃溪一名章溪一作張溪在縣西南七十里源

出茗嶺北穀嶺諸山流入張渚鎮合東霞埠諸水同注

獨山口又北合祝陵水入蒲墅蕩

西洋渚在縣西南八十里源出太華諸山西流經礪山北

匯溧陽西來諸澗流為慈湖溪俗名烏溪又北流為西洋渚

始通舟按太華西來之澗甚廣而易涸故名涸溪又名考溪乃慈湖溪之上流慈湖溪又西洋渚之上

湖汶渚一名湖汶在縣東南四十里匯東南諸山澗流至

湖汶鎮始通舟又東為菴晝溪過蜀山其東流入太湖

其北流入東溪東南又有石蘭渚即蘭山港列諸瀆中潼渚張渚湖汶渚皆載咸淳志至蓋

重刊宜興縣志卷一
薇澗梅林澗烏塘澗祝陵澗畫眉澗
皆新增入山澗甚多特誌其稍著者

西羊香丹神西南八十里...
山西而登...
又北...
...

重刊宜興縣舊志卷之一

疆域志

山川

川 湖溪河及港瀆
蕩滄俱分見

太湖在縣東四十五里南踰蘭山至董塘嘴入長興界北
越竹山抵百瀆口分水墩入陽湖界其占本邑東境百
里而遙納七十四瀆之水由湖注三江以達海禹貢震
澤爾雅具區左傳笠澤史記五湖皆謂此

百瀆港 在縣東北六十里港南屬宜興
北屬陽湖西為分水墩有汛

陳墅港

河墅港

堵區港

亭瀆港

鄭瀆港

灣浜港

下澤港

吳溪港

大區港

一作大墟有汛進內二里為周鐵橋鎮太湖右營守備駐防處周鐵橋北通分水墩南連丁蜀

出東出六區港

長林港

沙塘港

在竹山下山上有汛自陽湖縣下埠港之虎嘴至竹山湖岸皆東南向過竹山湖岸皆正東向

符瀆

黃瀆

五千瀆

歐瀆

彭瀆

毛瀆

葛瀆

趙瀆

邾瀆

西接下邾通下邾橋

和瀆

徐瀆

師瀆

隆瀆

黃干瀆

舊瀆

有汛

陽溪瀆

上接陽溪舊志陽溪源出陽山

北津瀆

辛瀆

中津瀆

西通橫塘橋

茭瀆

一作高傍皆茭草上有茭瀆廟

社瀆

南津瀆

五寺瀆

澄瀆

官瀆

卞瀆

洪港瀆

有汛

吳泗瀆

洋會瀆

大浦港

在縣東三十六里李蟻所謂太湖浦

也港南屬荆溪北屬宜興有汛太湖備考云以上四十二口險要在竹山沙塘港其地斗入湖中竹山據高見遠左縈右拂可以兼顧舊時黃瀆亦稱要地鄭若會云賊出太湖東南由黃瀆東北由沙塘港今黃瀆塞而沙塘港如故

後河港 有汛

南河瀆

凌義瀆

趙莊瀆

湯瀆

章瀆

西通南施 蕩有汛

中邾瀆

梁新瀆

衛瀆

一作魏

寺瀆

湖洋嘴港

一名呂瀆其南有徐瀆今湮塞

北黃瀆

廟瀆

一名尹家灣

楊達港

雙橋港

有汛

定跨港

烏溪港

舊名烏瀆有汛最深濶太湖備考云

烏溪為湖嘉杭入常必由之道西自東壩入湖亦率由此最為險要港近蘭山古時香蘭寨想為此防設

南黃瀆

南邾瀆

蘭後港

一名石蘭渚在蘭山子山之間其港北入湖

鳳川新港

鳳川大港

有汛

董塘港

以上三港東通湖西至山足而止故名無口瀆自董塘而南入長興界舊志編次百瀆南北錯亂今據太湖備考為之釐正

太湖備考云大浦港以北諸瀆上流有荆溪水運河水

其由運河分支又有殷村塘瀆草塘港瀆諸港皆由橫

塘分下諸瀆以入太湖蓋橫塘自北而南長四十餘里

重刊宜興縣志 卷一
凡西北境之水盡貫入焉其不及者大浦以南自後河
至蘭後諸港耳唐鶴徵河渠說云定跨烏溪蘭後三港
之上有蓮花蕩汪洋渟泓湖汊南來之水皆會於此以
下震澤此蓋就橫塘以南之水言之按宜興地形卑下
北有運河洮漏之水西有金壇溧陽之水南有張渚湖
汶諸山之水羣會於荆溪以下百瀆百瀆不盡與荆溪
相接西北諸水不能分洩必致漫溢賴有橫塘自北及
南以衍其流然後分下百瀆以入湖方無壅漲之患今
長興烏程震澤三邑入湖諸瀆港俱以上流水盛港首
皆有橫河亦同此意

各港前用木柵堵塞歲支泲墅關稅銀修葺至乾隆四
十二年改建石柵爲一勞永逸之計下邳湖汶巡檢司
專任巡查防守每歲具結送部備查

漏湖一名西漏沙子湖在縣北二十七里東西濶三十五
里南北長百里與武進陽湖中分其界南通荆溪諸水
西受洮湖之水東通運河注震澤其港自西北莊河港
迤南園轉而東迄五洞橋陽湖界共計三十餘港祥符
經云湖多白魚南連沙子舊傳有漏姓攜龍殼歸地遂
陷今烟靄中或見蜃樓沙子卽湖嘴風浪掀湧亦一險

也王超詩湖上人家淡夕暉青山數點映柴扉桃花流水迷歸棹楊柳東風拂釣磯晚飯香炊雲子白晨羹

細斫錦鱗肥卜鄰我欲從
漁隱歲晚滄洲願不違
莊河港一名湖瀆南屬宜興北屬武進西達孟涇河

彭瀆

大渚瀆

舊名談如瀆俗名大邾瀆

蔣家瀆

莊家瀆

一名當渡瀆

莊五瀆

西毫瀆

觀瀆西通官村

薛家瀆

仙人瀆

栗瀆

許瀆西通鍾離橋跨孟涇河以上諸瀆俱東入溇湖西通孟涇河

李塔港

集義瀆

以下諸瀆北入溇湖東南通高城河

樓公瀆

舊志宋熙甯間邑令樓閱所開俗名龍宮瀆

湖頭瀆

新河瀆

瀚瀆

西桃園瀆

東桃園瀆

馬家瀆

朱家瀆

賀家瀆

梅家瀆

毫瀆

一名吳家瀆

新瀆

一名杜家圩港

邱瀆

一名呂家圩港

高瀆

一名吳林圩港又稱高遙港

富瀆

一名許瀆

永豐瀆

一名避風瀆

塘瀆港

馬嘶瀆

湖瀆港

黃瀆港

練墅港

官載瀆

五洞橋港

北入陽湖界自高瀆至此俱東

河通運

洮湖一名長塘湖在縣西北百里東西濶三十里南北長

九十里與溧陽金壇分界風土記云陽羨西北有洮湖

中有大小坯山郭璞云具區洮漏皆隸宜興境

南港

自前花山南經楊渚至上黃東經溧陽境三里仍入宜興達蒲干蕩

中港

自大坯山東經康莊橋山下橋南達蓬睦橋入蒲干蕩

北港

自金壇湖頭橋大云橋入宜興境經就洛村接渡橋莊河港至湖瀆橋達孟涇河東入漏湖 舊志

瀆瀆在縣西北二十七里北入洮湖黃瀆在縣西四十五里此二瀆今多壅塞僅存其名

溪河

荆溪在縣南以近荆南山得名上通蕪湖下注震澤漢書

謂中江出蕪湖西南東至陽羨卽此溪也周處斬蛟在

此自明中葉後水口阻隘其流日淤唐杜牧嘗作水榭

於是溪之上宋蘇軾又欲買田種橘其閒蓋山水致爲

佳勝

按咸淳志有荆溪無西溪蓋統指西溪爲荆溪也

有東溪又有東蠡河故東蠡河無確所有荆溪又有西

溪故荆溪專指城中而言其實自溧陽西來之水統爲

荆溪今旣以名縣自應標於眾溪之首而運河爲國

課攸關東西兩溪夾城如鏡實眾水之綱紀故提敘而

眾水以次附入

運河在北門外宜興之漕自東倉至東關口北達運河荆

溪之漕自南倉北達東關口溧陽之漕自西溪來遶城

南折亦會於東關口達運河一路北行經高橋三里橋十里牌橋孫婆橋岳亭橋塘瀆橋和橋柵頭橋鍾溪橋至五洞橋入陽湖界自縣至此共計五十二里其開浚詳水利其東西諸港所通分列於後

西港瀆

西自瀆湖高瀆吳林圩高遙工文橋諸境入運河

前亭港

西自瀆湖富瀆五條港富村富陽橋龍亭橋前亭橋諸境入運河

莊瀆港

西自瀆湖永豐瀆四條港庚南諸境入運河

塘瀆港

一名西鋤港西自瀆湖裏塘瀆橋中巷橋外塘瀆橋諸境入運河

北高橋港

一名允濟橋西自瀆湖馬嘶瀆王墓馬橋官莊廟橋北高橋諸境入運河

湖瀆港

西自瀆湖車口橋入運河

黃瀆港

西自瀆湖東入運河

練墅港

俗名棟樹港西自瀆湖東入運河

官載瀆

西自瀆湖徐隆橋東入運河

東港瀆

由運河合陽溪入太湖下裴塘橫塘河合陽溪入太湖

草塘港

由運河東經草塘橋合陽溪入太湖

燒香港

一名東塘瀆港由運河東經官路橋馬塘橋楊五公橋合吳溪入太湖

順瀆港

由運河東經茅庵前折南達官路橋

殷村港

由運河東北合吳溪入太湖

黃塘港

由運河東北合吳溪入太湖

北渠港

一作北晏由運河東經小灣渡合白魚蕩

黃土港 由運河經西黃土橋合白魚蕩

西溪一名西汎在縣西關外凡廣德溧陽金壇并縣西南諸山之水總匯於此中流貫城分流遶南北郭入東溪以注太湖汪洋浩蕩茫然巨浸 近西關曰潭汎南北

廣三里東西長五里有沙洲當其西東南北水道名蝦

籠涇 南岸有伍相廟為後袁河之北境北岸有燈樓達程墅橋洋蕩 洲西為大汎長二

十餘里西至泚泚直達溧陽為南溪至城塘橋西北達

楊巷為北溪

東溪一名東汎在縣東關外西溪之水合注此下太湖汪洋同西汎而湍流更深 東關外有潭水勢湍急李公

堤適當其衝 先是風浪衝激關橋屢壞明正統開丞李恒築長堤以障之而患始紓 又東

為洲田長圩青墩曲折東行四里許達大汎沿北境行

幾二十里為大浦港沿南境行幾二十里為張澤橋港

新溪在縣南興門外一里宋嘉祐中令司馬旦所鑿 按新

即今之深溪橋河然王徐志載新溪橋又載深溪橋一附郭一在山亭似未可混而為一今無確考

泚溪在縣東南三里源出君山北入荆溪以水勢洞泚故名

東蠡河在縣東十五里東南入太湖宋咸平中邑人邵靈

甫重浚 按單鏐水利書云宜興東有蠡河橫互荆溪東北透湛瀆東南接菴蓋溪昔范蠡所鑿此似指

東溪為東蠡河而王徐志顯分為二似又未可合且經邵靈甫重浚則又非東溪矣今按均下區有蠡河村或

者近東溪諸水道皆謂之蠡河姑俟考

蜀山河在縣東南三十八里由東汎南進張澤橋又南十

八里至蜀山橋折西九里至湯渡一名山溪即古菴畫

溪也又西南十里至湖汶

施蕩河在東溪南境西距張澤橋港二里許張澤橋舊有

汎今移於施蕩河蓋當險處也北曰北施蕩南曰南施

蕩達定跨烏溪入太湖

橫塘河在太湖濱由東溪東十八里南劉港入橫塘河北

行十餘里至橫塘橋橋在中津又北十里至下邳橋又

北十里至周鐵橋又北十里至百瀆口入陽湖界蓋縣

東境南北經流之大者

按舊志開橫塘南北袤四十里以貫百瀆今考自大浦港以南

水道貫入施蕩河蓮花蕩淮大浦港以北直至分水墩盡貫入橫塘也

張公壩河在縣北四十里俗名新河自殷村港萬石橋北

達東黃土港約十餘里西距運河六七里河身狹小有

於莊尤塘六墊徹等橋餘詳水利

通澤河在縣東二十里明嘉靖辛丑令馮惟訥以東汎風

波險惡創議開浚邑人吳仕徐志作吳仁誤協成之西接荆溪

東聯震澤脈絡相貫滙為安流其功與後袁河並著云

吳仕詩百尺堤橫萬鍾齊恍看砥柱障前溪一帆新水

天同遠十里青山路不迷桃李春城通晚市桑麻午巷

聽啼雞計功不在西河下剩有遺碑待爾題 唐志圖繪在東九南

云避風波險惡今據各志考之無確指處惟由溪口北進蔣巷河東經五瀆唐角諸港達橫塘最為東北捷徑馮令所開浚當在此處

翟畫溪在蜀山河中間一名東瀉溪俗呼為山溪 詳名勝

白雲溪舊名白雲涇在縣西六十里西受溧陽諸水東達

蓮河溪北通楊巷

蓮河溪在縣西六十里南達堰頭北達徐舍

了溪一名震溪在縣西四十里

姚溪在縣西北七十里西接洮湖東流至臨津 舊志無姚溪而有塞

溪云在縣西北七十里源出洮湖東入洋渰又東入荆溪爛路溪在縣西五十里北流至臨津前入塞溪此二

溪應與姚溪近然終無確指姑缺疑俟考

孟涇河在縣西北四十里唐刺史孟簡所浚東傍洮湖避

風浪之險南自臨津環繞洮湖西北出了河達運河

縣西北境在洮湖洮湖之間其南北經流惟孟涇河為

大白北溪河之臨津蕩折東北九里至吳青橋又北五

里至鍾離橋又北三里至官村橋又北五里至賚村顯

達橋又北經南莊袁村豐義共十餘里達莊河港接武

進界

閃溪河在縣西北三里東自常富橋西至城塘橋相去二

十餘里明尚書曹三暘以西汎風波險惡請於水利御

史檄縣開浚邑人多便之

白龍河在縣西北十八里東抵梅村明宏治間主事姚文灝檄縣重浚今白龍河之名不著疑卽朱瀆河

莊河在縣西北境西通長蕩湖由金壇湖頭橋就洛村入宜興界東經接渡橋新橋臧村河頭橋又東經楊橋江莊橋莊河橋湖瀆橋乃入漏湖凡莊河之北境皆界金

壇武進武邑志作張河

後袁河在縣西南二里西通泮洲東入荆溪明成化癸卯令袁道開浚以避西溪之險民甚便之詳水利

南溪河在西汎正西由縣往溧陽有二道南曰南溪北曰

北溪南溪河自泮洲至徐舍橋又至下新橋又至渡濟橋入溧陽界古陽羨荆溪中江故道卽此

北溪河在西汎西北自城塘橋至樂成橋過臨津蕩又西至楊渡橋橋已圯又西至楊巷接溧陽界

張渚河在縣西南七十里西南山鄉之市莫大於張渚鎮其道自泮洲稍南抵胥家渡韓家渡盛家渡達蒲墅過五洞橋乃抵張渚

篠里河在縣西南六十餘里自南溪至下新橋又至水西橋又至堰頭橋又西經湯泉亭陽過俞山乃抵篠里屋溪在篠里東南波流曲折十餘里南經珠潭廣橋可達

西洋渚 按屋溪徐志增入咸淳志有竹溪註云在縣西南四十五里產水菖蒲兩涯多竹其土骨如石疑卽今之屋溪

蕩滄

梅村滄一名洋塘在縣西北十里

毫村滄在縣西北二十五里

馬公蕩在縣西北三十里西至臨津蕩西北通孟涇河東

達高城

臨津蕩一名止口蕩俗呼注汎蕩在縣西北五十里都山

滄相連屬

都山蕩在縣西北六十里都山西麓源自洮湖滙於山下

流入漏湖蕩甚淺易涸

蒲干蕩在縣西北七十里山山東北南通楊巷北達琅玕

西接洮湖

泝洄滄在縣西二十七里荆溪貫其中通白雲涇

蒲墅蕩在縣西南六十里離墨山西西南諸山澗滙焉南

通張渚西達烟山北注歸逕龍溪諸河

蓮花蕩在縣東南五十里蜀山東南承諸山澗水東入太

湖

下裴蕩在縣東北三十里

錢墅蕩與下裴蕩相連屬

陽山蕩在縣東北三十五里源出陽山東入太湖
餘皮滄在縣東十里即東溪之西北境

下邳滄在縣東北三十里

浯溪蕩一作吳溪塘在縣東北五十里東達浯溪橋入太

湖 舊志有朋溪在縣東北五十里云即下漳港
支流宋董令升卜居建橋與浯溪近今無考

黃土滄俗名白魚蕩在縣北五十里東西兩黃土橋之間

東通太湖 按黃土滄王徐志皆不
載今照咸淳志補入

洋滄在縣西北三十五里北連馬公蕩

溪潭

關廟潭在北溪河樂成橋關廟前大旱不竭

白茫潭在縣西北四十五里方廣數百畝潭產銀魚最潔

白世稱茫溪銀魚

月牙潭在北溪河與樂成橋近大旱不竭

拜都潭俗名擺佈潭在縣西四十里宜豐橋北大旱不竭

分莊廟潭在縣西北六十里西連楊巷深廣各十餘丈

蕭家潭在西溪中

李家潭亦在西溪中北對城塘橋大旱不竭

關王潭在張渚鎮北為獨山水口大旱不竭

陳家潭在馬公蕩西北里許大旱不竭

李墅潭在蜀山河大旱不竭 善權小水洞龍湫深不可測
大旱不竭詳名勝鸚鵡潭舊

名鸚鵡塘在北門外華要村西北前志皆稱廣袤百畝有灌溉之利今僅存一二畝唐鶴徵云君山雄視諸山為一邑之主其廣德長興至最南之茗嶺蓋宜興之山來自徽州而度廣德長興至於茗嶺始入宜興界直北而行曰瑤蘭山右一枝曰蘭甸山再右曰龍池山山之北麓有一洞名曰陳公洞更右曰大謝山小謝山靜樂山丁山羣峰雜沓多不知名洞則於此最多張公洞飛蓋洞綦盤洞白馬洞佛窟洞天窟洞水犀洞君陽洞玉女潭此則諸山之南麓也君山多洞一方皆洞天特洩其靈耶過分水嶺則曰甌山其麓東出為香山洞山伏牛山西出為銅坑山雞籠山箬山東蔣山西蔣山白雲洞上葛山下葛山玉帶山黃龍山由甌山過榭嶺則為君山東出曰白家山東北出曰楊梅嶺使嶺北出曰南嶽山下曰紫里山篠嶺縣嶺銀樹嶺西北出曰馬善權洞在焉西出曰雲山西出則離墨山國山善卷山則善權洞在焉西出曰雲山西出則離墨山國山善卷山出曰香廬峯東南為芙蓉山青龍山白虎山均山垂脚嶺下馬嶺啄木嶺唐貢山大潮山楚山頤山馬耳山松嶺蘭山子山蜀山茗嶺之左曰向山正幹山馬耳山天頂山過谷嶺曰石門山北行而橋亭山鳳飛嶺茗嶺相

公嶺穀嶺襄王嶺箭嶺四嶺梅子嶺大賢嶺求山嶺由此而北則淡烟嶺求山嶺石牛岡烟山獨山緣溪山嶺山小者曰岳山橫山蒿山茗山章山分界山龍山義山列東山浮山竹山列西北曰琅玕山山柯山保安山蓼莪山陽山董家山彭祖山其泉則真珠泉潛虬泉於潛泉金泉湯泉沸泉游泉其涔則都山涔臨津涔蒲野涔洋涔毫村涔梅村涔餘皮涔下邳涔其蕩則馬公蕩蒲于蕩蓮花蕩其河則荆溪貫於城中北關河出通津橋口會焉西溪浸其右東溪浸其左成化癸卯令袁道傍西溪鑿河曰後袁河嘉靖辛丑令馮惟訥傍東溪鑿河曰通澤河蓋避兩溪之險也然僅可通民舟而溧陽漕艘仍由西溪以達運河萬歷開御史林應訓奉勅查理江南水利檄知縣丁懋建另鑿閘河並著云由慶源門抵鍾溪六之其功與後袁河通澤河並著云由慶源門抵鍾溪六十里為武進界曰運河左右枕運河者為湛瀆塘瀆瀆亭鍾溪左通瀆湖右貫百瀆而入於震澤瀆瀆湖與武進共而洮湖則與溧陽金壇分界焉西南則忻溪章溪慈湖溪東北則涪溪陽溪沙塘港東南則東瀉溪定山川

跨港鳥溪蘭後港正東則湫溪東蠡河滄浦大浦後河
 港正西則白茫潭白雲涇蓮河溪正南則新溪正北則
 張公壩河而傍滬湖鑿河以避風波環入武進界出南
 運河曰孟涇於太湖口疏為百派導荆溪之水以入震
 澤曰百瀆大抵宜興之水西接溧陽西北接金壇及洮
 瀾二湖由西溪以入縣境下注東溪分流於百瀆以達
 具區而入江入海
 任源祥曰宜興山水稱勝其西南境疊嶂如雲幾於眩
 目府志云君山雄視一邑其實主山乃最南之茗嶺此
 亦自君山而溯其宗耳自茗嶺溯之則本於長興之湖
 通山自湖通右旋為武花為伏牛乃金陵之幹勢也幹
 勢以西非宜興境勿論幹勢以東一東出至於香蘭山
 入湖中分白茅峯東止淇林周太康之禧父墓在焉一
 東北出而為龍池登其上視旭日不減太山日觀一東
 復入宜興為俞山屋溪環之茗嶺分二派其左旋北出
 者為烟山其右旋而東出者為甌山未至甌山北出右
 旋則君山峙焉君山分四派其南曰芙蓉自南而西出
 至於善權其北曰南嶽自北而西曰舟山其西出至於
 紫雲徐少師發祥於此故名言吉氣之氤氳也其稍北

附考

而東出至於白家山未至白家山右旋北出則為龍潭
 篠嶺諸山附郭卜葬與洛陽之北邙無異山雖多略
 如此若其東北境則以岳山為宗西北則以山為宗
 歷歷可數西汎汪洋外受瀨江洮瀾內受諸山之水貫
 城郭迤東汎入於太湖觀者得其
 要領而巖洞溪潭之勝皆可攬也

舊志於山川卷後附錄井五堰七埭二堤一皆有關於邑
 之水利考正韻以土堰水曰埭壅水為埭曰堰今名存實
 亡難於確考井宜附巷但自通真觀丹井外取汲之利無
 聞堤附水利不必複載因舊志既存其名姑錄舊文以備
 撫遺之記

丹井在縣東南隅通真觀三清殿前舊傳呂洞賓煉丹

於此泉水甘冽大旱不竭天然井在南嶽寺前僧廢葛墟井

在縣北三十五里葛仙煉丹於此無考白兔井在沖寂

觀三清殿前一名玉兔井胥井在縣西南八十里泉湧則

溢俗名西井今僅存村名實無井也廢埭在縣南四十五里今無

考葑埭在縣西南七十二里與溧陽分界今存村名埭無考

東堰在縣東關外西堰在長橋西並宋時廢潘堰

程墅堰 離羣堰 湯堰並在洞山鄉今俱無考縑車堰

在東沈北有捍水堤明閔詵築今存村名堰無考

補遺

袁府山在君山南麓高與芙蓉山齊連互而西為橫山山

盡為柘嶺界西為彈弓山兩山對峙山泉合流潼渚之

源實出於此

安山在澗橋東與雞爪山兩峯並峙麓多大松

靈山一名紫霞山在蒙山西南岡嶺迴合其陽為祠山殿

二月八日鄉人賽會於此殿後古柏一株大七圍亦宋元

時物也靈山之西為土山

青邱山在澗橋北自安山而西土地平曠突起二山橫列

如屏

白鳩山其形似鳩兀峙洮湖濱在力山西北

北崑山在太湖西山馬蹟之間原名杜圻洲今俗呼平臺
山上有禹廟廟之右有鐵色砂粒如菜子畝許不堪種植
相傳神禹鑄鐵釜覆孽龍於此鐵氣上騰砂色乃爾山無
巨石石形皆似鶯卵光潤可愛人不敢取取則行舟有風
濤之患

竹山磯在竹山外

窰竈磯在北崑山北嵌空如竈故名

斤竹泉在周袍塢南一里離墨山麓深數尺許盛旱不竭
石髮澄翠蒙昔水面其源出山頂石罅中甘芳異常頂下

百餘步又有小洞泉水湧出凡五伏五現而成潭

磨眼泉在潼渚東一里潭廣三尺左右皆田以磨鎮之泉
從眼出其味甘美乾隆乙未大旱溪澗皆涸鄉人俱汲於
此

馬王泉在湖橋東南清流塢側泉廣五尺從山上石骨中
流出以之釀酒絕勝他處遇大旱可灌田百餘畝
龍潭在雲靄村西大旱不竭人見蜥蜴遊戲其中以索墜
石測之無底

鴛鴦潭在八字橋西中有兩墩名鴛鴦墩張渚諸山之水
於此分流一自東港入西洑一自荷花蕩入揚蕩河

荷花蕩在吳圯圩南

揚蕩河在縣西南三十六里大蘆圩西上承溧陽諸山之水下瀉西汎河廣而深每遇大旱居民賴此灌溉

東港在竹簣橋西南半里潼渚張渚諸山之水滙於此港澗水深中有洲出銀魚潔白而味美與茫溪相埒

龍溪一名五雲溪在蒲墅蕩北旁廣而中深下瀉韓家溪或曰盛氏嘗居也故俗稱盛家渡云

韓家溪在柯家圩北滙戴埠龍溪桃溪諸水經徐舍河入

西汎

重刊宜興縣舊志卷之一

疆域志 水利

水經云兩山之中必有川焉兩川之中必有山焉南幹正山由黃山至天目分二支結蘇杭水為苕霅其正幹北走廣德建平由金壇溧陽之閒下起茅蔣故西面之水勢皆入江東面之水勢皆歸海雖有五湖之瀦三江之洩而其濬導隄防利害不可不預講也志水利

周元王二年越大夫范蠡伐吳開漕今日漕河亦曰蠡河
陳玉璣
府志

按江南通志宜興縣漕自縣北三里橋至鍾溪過五洞

橋經府城名南運河鎮江府溧陽縣漕由西汎遠宜興縣之荆溪西出蠡河來會境內運河達府城者止宜興荆溪溧陽三縣之漕餘皆不由此

漢陽羨令袁玘築長橋鑿便民河

通志

按便民河係袁玘鑿王徐二志皆未載但於袁道開浚下稱為後袁河據通志當袁道未浚之前即稱為便民河則玘首創之績不應沒也

唐元和閒常州刺史孟簡開瀆後人稱為孟瀆又有孟津河亦孟簡所開濬在府城西南繞溇湖入宜興界

通志

按孟瀆在府城西奔牛鎮東南流入運河孟津河一名

孟涇河自臨津來繞溇湖北入武進在縣西北四十里可避溇湖風浪之險

宋嘉祐六年縣尉阮洪以吳中水患屢告上書監司乞開百瀆得請遂疏四十九瀆田禾大稔

通志

阮洪上言請就長橋東市中創一橋南通荆溪從之既鑿見泥中舊橋柱尙存乃知昔人已設橋於此名通津橋又

名新橋

徐階鳳舊志

八年知縣司馬旦鑿新溪

通志

按徐階鳳舊志新溪在南興門外一里疑即今深溪河然舊志有深溪新溪二橋一附郭一在山亭鄉似又未

可混今不可考

治平四年知縣樓閣濬四十二瀆通志

熙甯元年樓閣復開一瀆民頌之為樓公瀆徐階鳳舊志

淳熙間丞韓隆胄尉秦膺剛重浚運河有記今不存徐階鳳舊志

明洪武二十七年復浚運河府志

正統初承包用達浚運河府志

正統閒丞李暉築長堤東水關外因太湖水漲風浪衝激

關橋屢修屢壞築堤障之邑人稱李公堤後知縣鄒旦主

簿王能追建杜樊川水榭于其上今為僧庵徐階鳳舊志

按李公堤俗名水浮地設東汎汎于其上堤東北為宜興漕倉西為高木橋係漕艘要道

成化十九年知縣袁道濬便民河并鶴鶴漫通志

尹直記略曰邑西有巨浸曰西汎渺瀰逾舍許邑之山

亭等八區暨鄰邑深陽所屬水道必由公私商旅之舟

浮亂沿沂卒值風濤覆溺漂潰患莫甚焉前後有司智

力鮮逮徒形諸慨成化癸卯夏袁侯以名進士來尹是

邑詢民戚苦有以西汎告者惻然軫念躬臨達觀之顧

西汎之南有古鶴鶴漫積淤成陸遺迹尚存其東復有

小河達縣城南惟中隔澗北土千兩村僅十里耳因指

示從者曰爲下必因川澤苟闢此河上泝泝瀕下達小河將可避西汎之害乎遂具圖白諸巡撫巡按皆遣官覆核翕然如議時方季冬民隙侯卽計徒傭辨高下凡役夫二萬五千爲河長一千五百四十餘丈廣爲尺七十深視廣僅二之一兩岸各廣十尺復構二十六橋于河上以通阻絕而下流小河亦疏浚之其開毀官民田地一百八十畝有奇皆公償其值而別均其稅自始事至訖工甫匝月而河成水行齋泝衍注舟安於乘梁易於涉遐邇永賴頌聲載道明年孟秋侯被召促裝有日僚佐吏民相與語曰漢袁玘令茲邑嘗構長橋以利涉

民到于今烝嘗之今數千百載後乃復有令若侯鑿此河以濟民而侯之姓適與玘同安可無所表識別異以示不忘于永久乎因命之曰後袁河而屬二尹相良佐詣予請記鐫之石立於溪澗而覆以亭垂之無極圯固不得擅美而專祀矣侯名道字德純吉水宦胄今召爲御史

宏治四年伍性濬湯溪等瀆凡五百六十丈

太湖備考

八年伍性濬葛溪等瀆凡一千四百九十丈

太湖備考

按通志作六年水利御史徐貫所濬

九年水利工部主事姚文灝濬仕瀆等四瀆

通志

十年姚文灝濬白龍河

按徐階鳳舊志作十一年姚文灝檄浚白龍河河在縣

西北抵梅村疑卽今宋瀆河

十一年濬黃瀆等五瀆通志

知縣張偉濬運河徐階鳳舊志

十四年提督水利郎中臧林濬宜興港瀆通志

十七年臧林濬後河并三瀆通志

正德七年巡撫俞諫濬宜興港瀆凡七萬二千四百三十

二丈太湖備考

嘉靖二年開珠瀆洋會瀆畱溝瀆辛瀆下澤瀆長林瀆山

瀆丁卯瀆共九千五百八十六丈以洩東西二汎荆溪之

水入太湖太湖備考

按太湖備考不詳何人所開嘉靖二年當是知縣何棟

任內事

二十年知縣馮惟訥鑿通澤河通志

按徐階鳳舊志通澤河在縣東二十里馮惟訥以東汎

風波險惡又多盜創議開浚邑人吳仕徐志作仁誤今從唐志王志

協成之西接荆溪東連震澤脈絡相貫滙爲安流其功

與後袁河並著今考之士人莫知有通澤河者惟縣東

北十餘里有港名蔣巷河疑卽此而唐志圖繪通澤河

在東溪南未知何據

二十五年知縣方逢時穿張公壩河

通志

方逢時記略曰嘉靖壬寅余釋褐令宜興早夜靡甯求所以利便其民者問民疾苦輒欲罷之問民所利輒欲興之居無幾值歲大旱當道有興水利之議諸長老來言張公壩地勢最高亢泉源不通罹災獨甚故有河歲久湮廢請疏之余往按視其地一如長老言乃復之當道請疏之維時飢饉之後民力不堪方謀爲捐俸發倉廩之事而溧陽史恭甫氏家居聞之告余曰公疏河以利民某願捐利以助役遂發巨艘運米五百石于河上

令其紀綱之僕三人來經出納河工用成旣予去宜興宦游幾四十餘年而民有時時來傳言張公壩水泉溉田之利者予曰此恭甫氏之功也時姚江胡公旦往令茲邑謁余聞其事欲立石志之余爲追敘其始末如此恭甫名際溧陽人歷官至太常卿

按徐階鳳舊志張公壩河在縣北四十里地極高阜水道不通者數十里令方逢時躬莅規畫南起萬石北訖黃土中有六壩悉穿爲渠每壩址仍跨梁以利涉後官至司馬移文立石于接官亭之左今河流如故而六壩跨梁之迹無存

萬曆六年水利御史林應訓濬閃溪

通志

按閃溪河在縣西北三里東自常富西至城塘相去二十里以避西溪之險明尙書曹三暘請于水利御史林應訓檄縣令丁懋建開浚邑人初苦其役河成至今便之

萬曆閒知縣秦尙明同邑人蔣芸於西溪雨後袁河內築壩以蔽風濤之險舟行便之邑人感其惠立石壩上曰秦公壩其陰曰蔣封翁壩歲久水嚙復穿俗呼爲浪打穿金泉區南境萬山叢疊其澗自太華山襄王嶺諸山北流十餘里有壩曰龍嘴壩溉田千畝又北流十餘里合溧邑

西流之水爲烏溪壩又北爲張家壩土婆壩大塘壩殷家壩薛家壩各溉田數百畝而後入西洋渚壩在上流截水水自潛行灌溉之利山農均賴可爲式焉

按自國初至今宜興水利不過因前人舊迹而疏之濬之未聞有更移開鑿之舉故自徐志後無事蹟可傳卽嗜鳳水利論欲易銀林分水二堰爲閘如北河漕運之制當水漲時上下二閘加板以障其水平時則撤板以便舟行至旱則遠引江水使趨荆溪以濟曠乾亦屬臆說而不可見之施行者若單鏐所著水利書雖古今形勢不一而其論疏濬下流之法終不可易故存其略使

後之言水利者得所依據云

附宋單錫水利書其略曰蘇常湖三州水害逾五十餘年矣或曰三州之水咸注震澤入松江以至於海自慶歷以來吳江築長堤橫截江流由是震澤之水常溢而不洩以至壅積此其一也或曰溧陽之上有五堰所以宣節宣歛金陵九陽江之眾水由分水銀林二堰直趨蕪湖後木商由宣歛販運者以五堰爲艱阻罔給官長以去五堰五堰既廢遇山水暴漲皆入于宜興而注震澤此其一也或曰宜興有百瀆所以洩荆溪之水東入震澤今已湮塞而所存者祇四十九條疏此百瀆則宜

興自無水患此又其一也譬猶人之一身五堰則首也荆溪則咽喉也百瀆則胸也震澤則腹也旁通眾瀆則脈絡眾竅也吳江則足也今上廢五堰之固下又有吳江之阻而百瀆不通是猶有人焉桎其手縛其足塞其眾竅以水沃其口沃之不已腹滿而氣絕何以異哉然百瀆非不可治五堰非不可復吳江岸非不可去而治之有先後夫吳江界於吳淞江震澤之間慶歷二年欲便糧運築岸橫截江流五六十里而岸之東自築岸以來沙漲成一村今欲洩震澤之水莫若先開江尾茭蘆之地遷沙村之民運去其所漲之泥然後於吳江岸鑿

其土爲木橋千所以通糧運每橋計開水面二丈有餘一千條橋共開水面二千餘丈隨橋縱開菱蘆爲港以走水仍于下流又開白蜆安亭二江使太湖水由華亭青龍入海則三州水患必大衰減常州運河之北偏乃江陰縣也其地勢自運河而漸低上自丹陽下至無錫古有洩水入江瀆一十四條曰孟瀆曰黃汀堰瀆曰東函港曰北戚氏港曰五卽堰港曰梨溶港曰歐瀆曰蔣瀆曰魏瀆涇曰支子港曰蠡瀆曰牌涇今名存而實亡以其一十四處立爲石楔斗門每瀆于岸北先築隄岸使無泛溢以制水入江宜興縣西有夾苧干瀆在金壇

宜興武進三縣之界古人所洩長塘湖之水東入漏湖及白鶴溪而北入常州之運河由運河而入一十四條之港北入大江今亦名存實亡依古開通則西來他州入震澤之水可以殺其勢深有利于三州之田也又漏湖有二瀆一名白魚灣一名大吳瀆洩漏湖之水入運河由運河一十四處斗門下江又有高梅瀆亦洩漏湖之水入運河凡所欲導必自下而上先治下則上之水無不流若先治上則水皆趨下漫滅下道而不可施功其勢然也故今治三州之水必先自江尾海口諸浦疏鑿吳江岸及置常州一十四處之斗門築堤制水入江

高橋中廂東北隅前廂東南隅後廂西北隅遶縣後中左廂
 南門內外止張王祠在鄉曰鄉都凡一十有六開
 西門外止張王祠
 寶鄉一都至善計鄉四都至洞山鄉八都至萬金鄉六都至
 都至十瀉湖鄉二十九都至成任鄉二十三都至伍賢鄉
 入都二十八都神安鄉三十一都至清津鄉三十四都至
 至三十都
 亭鄉三十八都至從善鄉四十二都至金泉鄉四十八都至
 十三永豐鄉五十四都至山亭鄉五十九都至清泉鄉
 都六十二都至均山鄉六十五都至
 六十四都
 舊志云併中鶯南入清泉北入開寶臨津入伍賢震山
 入洞山豐義入瀉湖止存十六鄉鄉統都都統圖都凡

六十八圖凡三百六十有六萬歷二十九年知縣王以
 甯丈量田地改鄉稱區改都編圖改萬金為萬一瀉湖
 為萬二善計南入開寶北入萬二分清津為二區從善
 為五區共二十區編千字文每圖一字號在城坊廂編
 入區圖自在城區天地玄黃起至仁慈隱惻止共三百
 七十二字後又加號十五共三百八十七圖

國朝承明制後分開寶洞山均山各為上下合在城共為
 二十四區三百八十七圖

在城區六圖開上區二十圖開下區二十圖洞上區十八圖
 洞下區十八圖萬一區六圖萬二區二十圖成任區二十圖

山亭區 二十圖 神安區 二十圖 清東區 十七圖 清西區 十三圖

均上區 十七圖 均下區 十七圖

五賢區 十一圖 從一區 十二圖 從二區 六圖 從三區 九圖

從四區 九圖 從五區 十圖 金泉區 十七圖 永豐區 二十七圖

雍正四年分設荆溪縣區圖各照所分管轄

重刊宜興縣舊志卷之一

疆域志 風俗

寰宇記云人性信直黎庶淳遜敏于習文疏于用武東坡

卜居記云地偏俗儉朱晦庵學記云縣人學子知所向慕

舊志云不事浮華罕為商賈耕稼自給三魁之邑 宋熙甯 癸丑邵

材試開封第一 邵剛試禮部第一 奈中廷試第一 故曰一邑三魁 士尚儒術搢紳代不乏

人男子不遠遊婦女不出中門士夫不衣文繡不乘輿馬

其俗多尚吟咏喜于送舊王升云宜之風俗昔云美矣今

漸澆漓冠蓋輿衛以非分而交驕庖俎珍麗以侈富而相

高所望還淳復古之士起其敝而維持之徐階鳳云昔人

有言民愚則使之智民智則使之愚宜民以狡致貧者四
 訐訟呼盧演戲扮會以愚致貧者二祀神佞佛司風教者
 嚴其禁而力挽之民俗不還淳未之有也其節序則元旦
 長幼悉正衣冠以次拜賀市肆不張凡三月初五日俗傳
 路頭生日具牲醴致祭大小戶皆然旬日內讌集親朋謂
 年酒行團年禮上元節懸燈謂燈市婦女挈伴夜遊以過
 三橋為度二月二日為土神誕日鄉城競為土地會誇尙
 豐盛以迓神福初八日作祠山會俗傳張大帝大帝漢張
 渤也治水
 有功因生日必有風雨本田家五行志所謂請客風送客
 廟祀之雨晴暖主歲稔三月三薺花天氣換單衫董大倫詩也婦

人折薺花戴之曰可驅睡清明上塚挂紙錢兒童放紙鳶
 為戲四月八日為浴佛節造烏飯相遺即青精飯僧人尤
 尙之四月下旬舉城隍會儀從極盛粧飾故事俱極精巧
 士女雲集五月五日插艾飲菖蒲酒食角黍婦人製絨符
 繭虎相遺二十分龍廿一雨俗諺也蓋四月二十為小分
 龍五月二十為大分龍次日雨主歲稔六月十九為兵備
 張公忌日邑人念其德以酒脯祀之七夕陳瓜果祀織女
 星取蜘蛛貯奩盒曉啟視之以布網為得巧中元節作茄
 餅祭先寺僧作盂蘭會中秋節造月餅相遺街市懸燈照
 耀與月光相映重陽節食棗糕少長登高遊覽九月八日

爲果利袁公誕辰演戲祭祀遠近皆會冬至祭祖先臘月八日作菜粥雜果餌爲之名臘八粥二十四日記竈曰送竈作米團如盞曰人口健計家人長幼數倍爲之或雜糖粉爲團曰瑪瑙團二十六日浴謂洗福祿二十七洗嗽啣二十八洗發達皆俗諺也除夕供祖先像帖春聯門神以白堊畫地作方勝及弓箭之形和絳豆紅米作飯計口可啖數日曰年飯賜小兒錢曰壓歲錢飲椒酒曰歲酒其民業則種稻平田宜夏至後山田圩田宜夏至前清明浸稻種穀雨以穀芽入田芒種插苗曰蒔秧大雨時行謂之梅雨高下齊插更相倩赴俗謂做黃梅老幼不得休息田極

高者種菽粟或木棉或交秋種蕎麥極低者秋前蒔種稔秋分刈早禾霜降刈晚禾謂之收稻場刈禾後種大小二麥俗謂麥黃梅田有不種二麥者冬後耕鋤俗謂冬田正月雨水時多于溪河撈泥壟田俗謂筒泥水鄉稱急務其在山鄉樵戶以八月入山斫柴俗謂八月柴茶戶以穀雨日賽茶神入山採茶俗謂開園其他業竹器者在張渚湖汶諸鎮業窑器者在丁山蜀山諸山業冶鐵者在張渚篠里諸市業石工者在永豐均上山其種苧芋燒石灰造紙料漁舟獵戶蠶桑搖織之事各就所居爲業勤者富惰者貧其大較也若夫讀書之士辛勤績學以取榮名文章

氣節蔚為民望自漢迄今典型具在邇來士業稍偷不務實學汲汲謀生賢者不免惟在有志之士振興文教庶不與惰游之輩並譏焉

宜山嶽巒以八日入山嶽巒谷間八日蒙茶可以... 民而水耕之千... 麥谷歸途... 煉谷以早... 高谷... 宜山嶽巒以八日入山嶽巒谷間八日蒙茶可以... 民而水耕之千... 麥谷歸途... 煉谷以早... 高谷...

重刊宜興縣舊志卷之一

疆域志 土產

穀之屬

大麥 有紅白二種

元麥

細子秬 早熟無芒

大紅廣秬 早熟

種稭稻 早熟

白稻 中熟稭白有芒

珍珠稻 中熟有芒

小麥 有水白蠶老早紅晚紅諸種

蕎麥

銀條秬 早熟無芒

六十日秬 早熟無芒又名四日秬

晚青稻 晚熟稭黃有芒

短嘴芒稻 晚熟有芒

天落黃稻 中熟色黃無芒

老來烏稻 晚熟 有芒

姜黃稻 一名蘇州青 晚熟 有芒

黃壳稷 中熟 稷 黃無芒

見霜青稷 晚熟 稷

蔴筋稷 中熟 無芒

芝蔴稷 中熟 稷 白有芒

黃豆 六月種 九月熟

菜豆

扁豆

箕豆

大黃稻 晚熟 稷 黃有芒

朱砂稷 一名臘脂 稷 中熟

香珠稷 中熟 稷 白芒紅

白果稷 中熟 稷 圓無芒

牛筋稷 中熟 無芒

蠶豆 即大豆 九月種 蠶月熟 故名

赤豆

角豆

豌豆

珍珠蘆粟 一名御米

高粱粟 有稷 稷 二種 俗名環頭蘆粟

蕒蔴

蔬之屬

芝蔴 有黑白 二種

白豆 一名羊眼角

菘菜

苜菜

韭

葱

瓠 長瘦 匏短頸 大腹 匏苦 瓠甘 細腰者 葫蘆

油茶 子可作油 莖亦

竹菇 色如臙脂 大菌 可啖其餘種類極多 或有不可食者

青菜

菠菜

薑

蒜

葫蘆

蘿蔔

芥菜

芹菜

薤

胡荽

苦菜 子可作油 莖不可食

香芋

間者堅細味佳不易多致

山藥

百合

山藥百合俱產湖濱其產山石

紅山芋

馬齒莧

蓬蒿

馬蘭

謝菜

石花

生山上

黃瓜

菜瓜

一名長生瓜

絲瓜

西瓜

冬瓜

一名枕頭瓜

番瓜

俗名飯瓜一名南瓜

北瓜 色赤而小但可供玩

金瓜

刀豆莢

茄

長豆

一名裙帶豆

生菜

莖高無枝葉

甜菜

白蓬

一名黃花郎和粉作團

禮蒜

諸葛菜

芋頭

有龍潭飯團諸種

香椿

春初嫩芽香美

山花

俗名山花蘿蔔產山石間可禦荒味尤佳剛竹燕竹慈竹笋次之

笋

冬春之間日團笋三月纔廣毛竹笋

菓之屬

梅

杏

桃

李

柿

白蒲棗

梨

栗

榛

蓮

菱

芡

俗名雞婆篋子

櫻桃

石榴

枇杷

花紅

橙

紫葡萄

葶薺

白菓

銀杏也

香櫟

花之屬

紫薇

杜鵑

有紅紫黃白四種又有瑪瑙色者

山茶

紫荊 一名滿條紅 海棠 木樨 梨

梅花 杏花 桃花 石榴

郁李 梔子 瑞香 花微赤而大者佳

牡丹 綉毬 有藤本木本二種 蠟梅

映山紅 木槿 辛夷 即木筆俗名玉蘭亦有紫色者

木芙蓉 楊妃茶 葉如山茶冬月開以上木本

蘭 春日蘭夏日蕙蕙一莖十餘花有發于秋者名秋蘭亦一莖一花但不

多產耳以素心為上品土夫家爭蓄之有一花價數十金者 澤蘭 花似蘭色紫無香

菊 荷 即芙蓉 芍藥

水仙 葵 有蜀葵錦葵秋葵向日葵四種 鳳仙

雞冠 玉簪 萱

漢宮秋 有紅黃二種 剪春羅 剪秋羅

玫瑰 金錢 秋海棠

渥丹 長春 洛陽

荼蘼 虞美人 荷包牡丹

鶯粟 丁香 棣棠

雪蕉 木香 十姊妹

珠簾 以上草本 薔薇 有紅黃白三種 月季

佛見笑 虎刺 西番蓮

天竹 鐵線蓮 以上藤本

藥之屬

黃精	何首烏	白芍	貝母	車前子	大黃
山查	苧蒲	蒲公英	葶麻子	金銀花	扁蓄
嬰粟殼	紫蘇	苦參	丹參	沙參	穀精草
金櫻子	蒼朮	白朮	馬鞭草	兔絲子	
地榆	皂角刺	辛夷	益母草	大薊	天南星
小薊	瓜蒌仁	水蓼	水萍	稀莨草	
蒼耳	水苻	商陸	葳靈仙	水藻	天門冬
早蓮草	牽牛子	薄荷	地錢草	馬勃	青木香
夏枯草	馬兜鈴	山茨菇	蘆根	香附子	

瞿麥	土茯苓	五加皮	地骨皮	羊蹄根
百部根	枸杞子	天花粉	桔梗	鬼箭羽
山梔	茵陳	藿香	青蒿	牛蒡子
澤蘭	女貞子	千金子	蟬蛻	蟾酥
龍胆草	夜合花	麝香	紫花地丁	仙桃子
<small>夏至時生麥田中可治刀創</small>	南燭子	<small>一名青精子</small>	花椒	<small>一名打不死草</small>
王不留行	牛膝	薏苡仁	高良薑	枳實
鬧羊花	娑羅子	佩蘭	鍾乳石	寒水石

木之屬

松	柏	檜	檀
<small>有扁柏刺柏羅漢柏等種</small>			

榆 梓 桐 杉 冬青即女貞

槐 椿 楮 柘 桑

栲 楊柳 棟 楮俗名 樅 槿

栗 棠梨 朴 烏柏 白楮

黃楊 棕櫚 竹種類極多惟毛竹剛竹水竹用最廣餘有慈竹筋竹淡竹護基竹斑

竹紫竹篔簹竹木竹等種 魚米樹一名康洋樹結子似米則年豐似魚則多水若似稗草則

古為無年

草之屬

芝 藻 水蓼 萍 艾

結祥 獅子草 金絲荷葉 仙人對坐 鷺兒不食

金不換治刀創 朝陽草可已瘡 空山甲

鳥之屬

杜鵑 鶯 鵲 練鵲帶鳥也 百舌

鴝鵒 祝鳩 鳴鳩布穀也又名郭公俗名鶉姑 天鷲

畫眉 鷹 白頭公 青絲鳥 告天知

夢春 鴉 老鸛 啄木 黃豆以上山禽

竹雞 鷓鴣 鶴鴒 燕 鴿

雉 雀 蝙蝠 雞以上原禽 鴛鴦

鷓鴣 雁 鳧水鴨俗名水葫蘆 鷺

鷺 鴨一名舒鳧 鷺一名舒雁 鷗以上水禽

鷺 鷺土產 鷗水禽

魚之屬

鯉 鯽 鮒 鮓 鮓音滑 鮓無鱗

鰻 烏一名七星魚 銀魚 鱔 鮓音滑

斑形團無骨 白魚 金魚 青魚 姜公無鱗

土鮒色斑無骨附土而行不似他魚浮水李郢詩土鮒爛

竹今無之以時與色按之當即土 湖鱖

鰕 鱖 鱖音混小 鮒似鮓而小 鱖似白魚而尾

鰕音混小 鮒似鮓而小 鱖似白魚而尾

鰕音混小 鮒似鮓而小 鱖似白魚而尾

鰕音混小 鮒似鮓而小 鱖似白魚而尾

鰕音混小 鮒似鮓而小 鱖似白魚而尾

鰕音混小 鮒似鮓而小 鱖似白魚而尾

鰕音混小 鮒似鮓而小 鱖似白魚而尾

蟹

蟹產西溪泖泖口者尤佳俗名溪蟹以別于江湖以上介族

牛 馬 羊 豕 犬

驢 騾 貓 鼠 虎

豹 鹿 兔 麀 狐

獺俗名 獺一作蝟毛似毫猪形

松鼠 柿一名果子狸食柿而肥 麀

野猪 山閒偶有之味腴美

蟲之屬

蠶 蜂 螳 蜋

蜥蜴

蝮蛇

一名壁虎爾雅云守宮也

蚊蝶

蜘蛛

網公一名

蟾子

山堂肆考云壁錢也

蟻

蠅虎

山堂肆考云蠅豹也

馬蟻

本草云水蛭也

蛇

博物志云一名升卿

蠅

蜻蛉

以上生

蟬

螢

蟋蟀

促織也

絡緯

莎雞也

蚱蜢

土蝻也

金蟲

蚊

蛾

蠶

竈雞

雜組云竈馬也以上化生

田蛙

水雞也

土蚓

蜈蚣

馬陸

本草云百足也

蝸牛

四角負殼

蜒蚰

二角無殼

蝦蟇

石獮

形類蟾蜍皮色深紫生山石澗中味清美

斯螽

爾雅云蚣蝮也

橫

秋時雨後日照稻葉捲而中須作

多痛

蛙

食稻節

蠅

能害苗滴油水中趕虫入水沾油而

死以

布帛之屬

綉

棉布

苧布

縑絲

麻布

木棉

絲棉

貨之屬

茶葉

產茗嶺銅官離墨諸山者尤佳

苧蔴

石灰

靛

化果

可以

紙

有檀皮連四桃花諸種

酒

煤

炭

蘆

皂莢

一名皂角

廿

